

UPHAMOL 250 SYRUP (RED)

Paracetamol (250mg/5ml)

Apakah yang ada pada risalah ini

1. Apakah kegunaan Uphamol Syrup
2. Bagaimana Uphamol Syrup berfungsi
3. Sebelum menggunakan Uphamol Syrup
4. Cara menggunakan Uphamol Syrup
5. Semasa menggunakan Uphamol Syrup
6. Kesan-kesan sampingan
7. Cara penyimpanan dan pelupusan Uphamol Syrup
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

Apakah kegunaan Uphamol Syrup

Uphamol Syrup digunakan untuk melegakan kesakitan dan demam.

Bagaimana Uphamol Syrup berfungsi

Uphamol Syrup mengandungi paracetamol sebagai bahan aktif. Paracetamol melegakan kesakitan dan mengurangkan suhu badan tinggi.

Sebelum menggunakan Uphamol Syrup

- *Bila tidak boleh menggunakan*

Jangan menggunakan ubat ini jika anak anda alah terhadap

- paracetamol
- sebarang bahan kandungan lain yang disenaraikan di akhir risalah ini

Amaran alahan: Paracetamol boleh menyebabkan alahan kulit yang teruk, seperti kemerahan kulit, lepuh atau ruam.

Tanda-tanda tersebut mungkin menunjukkan keadaan yang serius. Jika tindak balas sedemikian berlaku, hentikan pengambilan dan mendapatkan bantuan perubatan dengan segera.

Jangan menggunakan Uphamol Syrup jika anak anda mengambil ubat lain yang mengandungi paracetamol.

Jangan menggunakan ubat ini selepas tarikh luput pada pek ini atau jika terdapat tanda dibuka atau koyakan pada pembungkusan. Jika ia sudah luput atau rosak, kembalikan kepada ahli farmasi anda untuk dilupuskan.

Jika anda tidak pasti sama ada anak anda patut mula menggunakan ubat ini, sila tanya doktor anda.

- *Sebelum menggunakan Uphamol Syrup*

Beritahu doktor anda jika anak anda mempunyai alahan terhadap sebarang ubat lain, makanan pengawet atau pewarna.

Beritahu doktor anda jika anda mempunyai atau pernah mengalami sebarang masalah kesihatan termasuk:

- Penyakit hati
- Masalah ketagihan alkohol

Jika simptom-simptom berlarutan, sila dapatkan nasihat daripada doctor atau ahli farmasi anda.

- *Jika mengambil ubat-ubat lain*

Beritahu doktor atau ahli farmasi anda jika anak anda sedang mengambil ubat lain, termasuklah sebarang ubat yang anda beli tanpa preskripsi dari farmasi, pasaraya atau kedai makanan kesihatan.

Sesetengah ubat dan Uphamol Syrup boleh bertindak balas antara satu sama lain.

Doktor dan ahli farmasi anda mempunyai lebih banyak maklumat tentang ubat lain yang perlu diberi perhatian atau dielakkan semasa mengambil Uphamol Syrup.

Cara menggunakan Uphamol Syrup

Patuhi semua arahan yang diberikan oleh doktor atau ahli farmasi anda dengan teliti.

Arahan-arahan ini mungkin berbeza daripada informasi yang terkandung dalam risalah ini.

Sekiranya anda tidak faham arahan pada pek, tanya doktor atau ahli farmasi anda.

- *Berapa banyak harus digunakan*

Kanak-kanak umur sehingga 1 tahun:
Ambil 60 – 120 mg.

Kanak-kanak umur 1 hingga 5 tahun:
Ambil 125 – 250 mg

Kanak-kanak umur 6 hingga 12 tahun:
Ambil 250 – 500 mg.

- *Bila perlu digunakan*

Ambil Uphamol Syrup setiap 4 hingga 6 jam atau seperti yang diarahkan oleh doktor anda.

Jangan mengambil ubat ini melebihi 4 kali sehari dan jangan melebihi sukatan yang dicadangkan kecuali dinasihatkan oleh doktor atau ahli farmasi anda.

- *Berapa lama perlu digunakan*

Ambil Uphamol Syrup secara berterusan seperti yang diarahkan oleh doktor anda.

- *Jika terlupa menggunakan*

Ambil dos yang tertinggal sebaik sahaja anda teringat dan kemudian kembali mengambil ubat seperti biasa.

Jika sudah dekat waktu dos seterusnya, tinggalkan dos yang terlupa dan ambil dos seterusnya mengikut jadual biasa. Jangan gandakan dos untuk menggantikan dos yang terlupa dengan mengambil lebih daripada satu dos pada masa yang sama. Ini mungkin meningkatkan peluang anda mendapat kesan sampingan yang tidak diingini.

- Jika mengambil berlebihan (terlebih dos)

Jika anda fikir anak anda atau orang lain mungkin terlebih mengambil Uphamol Syrup, hubungi doktor anda untuk mendapatkan nasihat atau pergi ke bahagian kecemasan hospital yang terdekat dengan segera.

Ini mesti dilakukan walaupun tiada tanda ketidakselesaan atau keracunan. Anak anda mungkin memerlukan rawatan perubatan dengan segera.

Semasa menggunakan Uphamol Syrup

- Perkara yang perlu dilakukan

Beritahu semua doktor, doktor gigi dan ahli farmasi yang sedang merawat anak anda bahawa anak anda sedang mengambil Uphamol Syrup.

Jika anak anda akan mula mengambil sebarang ubat baru, beritahu doktor dan ahli farmasi anda bahawa anak anda sedang mengambil Uphamol Syrup.

Perkara yang tidak boleh dilakukan

Jangan mengambil Uphamol Syrup untuk merawat sebarang masalah lain melainkan diarah oleh doktor anda.

Jangan beri ubat ini kepada orang lain, walaupun mereka mengalami keadaan yang sama seperti anak anda.

- Perkara yang perlu diberi perhatian

Kesan-kesan sampingan

Semua ubat boleh membawa kesan sampingan. Kadang kala kesan sampingan ini serius, tetapi selalunya tidak.

Minta nasihat doktor atau ahli farmasi anda jika anda mempunyai sebarang kebimbangan mengenai kesan mengambil ubat ini.

Kerosakan hati mungkin berlaku jika ubat ini diambil berlanjutan atau berlebihan. Reaksi hipersensitiviti kulit termasuk ruam kulit, bengkak di bawah kulit, *Stevens Johnson Syndrome/ Toxic Epidermal Necrolysis* telah dilaporkan.

Beritahu doktor atau ahli farmasi anda jika anda mendapati apa-apa yang membuatkan anak anda rasa tidak sihat.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web npra.moh.gov.my (*Public* → *Reporting Side Effects to Medicines (ConSERF) or Vaccines (AEFI)*).

Cara penyimpanan dan pelupusan Uphamol Syrup

- Penyimpanan

Simpan ubat anda dalam peknyanya sehingga tiba masa untuk mengambilnya. Simpan dalam bekas tertutup rapat.

Simpan ubat anda di tempat yang kering suhu bawah 30°C. Lindungi daripada cahaya.

Jangan simpan Uphamol Syrup atau ubat lain dalam bilik mandi atau dekat sinki.

Simpan di tempat yang tidak boleh dicapai oleh kanak-kanak.

- Pelupusan

Jika doktor atau ahli farmasi anda mengarahkan anak anda berhenti mengambil Uphamol Syrup atau ubat ini sudah melepasi tarikh luputnya, sila tanya ahli farmasi anda apa yang patut dilakukan dengan sebarang ubat yang tinggal.

Maklumat lanjut

- Rupa dan warna produk

Sirap berwarna merah, berperisa oren.

- Bahan-bahan kandungan

- Bahan aktif:

Setiap 5ml sirap mengandungi 250mg paracetamol.

- Bahan tidak aktif:

- Glycerine
- Methylparaben
- Propylparaben
- Carmoisine
- Saccharin Sodium
- Sugar
- Propylene Glycol
- Sweet Orange
- Chloroform Spirit

- Nombor MAL

MAL19912688XZ

Pengilang

Upha Pharmaceutical Mfg (M) Sdn Bhd (53667-M)
Lot 2&4, Jalan P/7, Section 13, Bangi Industrial Estate, 43650 Bandar Baru Bangi, Selangor Darul Ehsan

Pemegang Pendaftaran Produk

Upha Pharmaceutical Mfg (M) Sdn Bhd (53667-M)
Lot 2&4, Jalan P/7, Section 13, Bangi Industrial Estate, 43650 Bandar Baru Bangi, Selangor Darul Ehsan

Tarikh kemaskini RIMUP
15/05/2018

Nombor Siri:

NPRA(R4/1)080518/00143